



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

IX. De altero hujus Tuitionis effectu dicetur libro quarto. Necessitas  
Concordiæ Sacerdotij cum Imperio probatur è Gregorio secundo, Septima  
Synodo, Ecloga Leonis, Damiani, Arnulfo, Bernardo, & ...

**urn:nbn:de:hbz:466:1-15591**

corum Rex, omnibus in perpetuum. Digna vox est  
majestate regnantis, Dei servum & Ecclesie Defen-  
sorem se Principem preficeri. Adeo de divine pro-  
missione & clementia culmine nostra pendet autoritas,  
ut ad honorem, laudem, & gloriam ipsius &  
opera nostra & ipsorum intentionem operum refera-  
mus. Inde est quod commisum à Deo nobis gladium  
& in defensionem Ecclesiarum & in oppressionem de-  
bemus ac volumus exercere tyrannorum. Litera illa  
extant integræ in archivo Episcopi Aniciensis, unde  
illæ describi curaverat Marca: eoque loco uti decre-  
verat in secunda editione hujus operis. Ejus itaque  
consilium sequi placuit. Sed & illud admonendum  
est, prefationem harum literarum Regis Ludovici,  
imitationem esse Rescripti Imp. Theodosij & Va-  
lentiniani dati ad Volutanum Praefectum prætorio,  
1. 4. c. de legib. & constitut. Princip.

Exemplum B. Ludovici secuti ejus ne-  
potes Philippi, Carolus V. VI. VII. dis-  
ciplinam jam tum ferè collapsam regiis  
constitutionibus non solum muniverunt,  
sed etiam in plurimis articulis restaurarunt.  
In eo etiam genere extant quamplurimæ  
Francisci I. Henrici II. Caroli IX. Hen-  
rici III. & IV. & Ludovici XIII. Au-  
gustissimi Principis constitutiones; qua-  
juxta canones Conciliorum, & Decreta  
Romanorum Pontificum, Consueruditne  
que in regno receptas, jure Patrocinij, dis-  
cipina ecclesiastica prospiciunt.

Enimvero non solum constitutionibus  
generalibus editis disciplinam Reges nostri  
semper foverunt, sed etiam rescriptis spe-  
cialibus nova Romanæ Curia rescripta mu-  
niverunt; quemadmodum de Carolo Ma-  
gno superioris adnotatum est. Hic usus ma-  
navit in posteros, locumque habuit in ipsis  
tertiæ regum dynastiæ primordiis. Quod  
docemur testimonio Eadmeri, qui consue-  
tudines quædam describens, quas Williel-  
mus Dux Normannia in Angliam à se sub-  
actam è Normannia transtulit, hanc quo-  
que inter ceteras recenset, scilicet Princi-  
pem illum inhibuisse ne Romanæ Curia  
rescripta susciperent antè quam sibi por-  
recta fuissent: Non ergo pati volebat quem-  
quam in omni dominacione sua constitutum, Ro-  
manæ urbis Pontificem pro Apostolico, nisi se ju-  
bente, recipere, (id est, antè quam ipse cer-  
tior factus esset de novi Pontificis electio-  
ne) aut ejus literas, si primitus sibi ostensa non  
fuissent, allo pacto suscipere. Per aliquot se-  
cula intermissum hujusmodi usum, consti-  
tutionibus à ducentis abhinc annis promul-  
gatis, Principes nostri restaurarunt; ita ut  
Bullarum executio impeditur, nisi prius  
à Iudicibus delegatis vel à supremis regni  
Curias ex Regis mandato inquisitum esset  
an per illas aliquid Libertatibus Ecclesiarum  
Gallicanæ contrarium induceretur. Quod in  
Germania quoque observari notum est.

Eundem morem in Benearni provincia an-  
tè quam regiæ Coronæ Gallorum accede-  
ret, retentum fuisse docent veteres Char-  
taræ. Qui usus inter cetera significatur in  
verbis quæ in novæ consuetudinis codice  
habentur; nempe rescripta ab extera pro-  
vincia in Benearnum delata, executioni  
non esse mandanda antè quam aut ipsi su-  
premo Domino aut ejus Consilio porrecta  
fuerint. In Gallia autem, ut dixi, auto-  
ritate Principis, Bullæ ad Curias regni dis-  
cutiendæ referebantur. Quod tamen illæ  
suo deinde arbitrio assumperunt, non ex-  
pectato diplomate Principis. Id vero fieri  
in dignitatibus sue & plerunque in jurisdi-  
ctionis injuriā interpretati sunt Episcopi  
Gallicani, eò quod Brevia sæpe per subre-  
ptionem elicita, clanculum in Curiis insi-  
nuarentur, Episcopis non vocatis. Decreto  
itaque regij Consistorij constitutum fuit  
juxta veteres regni constitutiones, ne ulla  
Brevia apostolica (exceptis indulxit quæ in  
foco secreto Penitentiaria expedientur)  
Curiis supremis regni insinuerint, ut deinde  
more solito executioni tradantur, nisi  
diplomate regio munira sint. Ne autem in  
posterioribus Brevibus per subreptionem elici-  
tis lœdatur jurisdictio Episcoporum, præci-  
pitur ut partes Brevia sua offerant Episco-  
pis in quorum diccepsi executio fieri debet:  
qui quidem intra triduum, scripto quid ea  
de re sibi videatur, exponent; ut porrectis  
Brevibus unâ cum Episcoporum relatione,  
Princeps quod utilius erit constituat. Tunc  
enim aut rescripto executionem permitteret;  
vel si causæ majoris fuerint momenti, quæ  
futuri negotiis formam dare possent, Cu-  
riis supremis insinuationem delegabit. Hac  
ratione Brevia apostolica præsidio & au-  
toritate Principis munita erunt; cognitio  
vero causæ, non quidem de Rescripti  
æquitate, sed de Libertatibus Ecclesiarum  
Gallicanæ, Curiis relinquetur.

I X. Ex isto Tuitionis jure sequitur ut si  
quid tentaretur contra decreta Canonum,  
Principes violatae legis vindices se præsta-  
rent, & omnia in integrum aliquando re-  
stituerent. Quod ab Imperatoribus Roma-  
nis & à Francorum Regibus factum fuisse  
ostendam libro quarto. Ceterum monen-  
dus est lector, ex hoc Tuitionis & Patroci-  
nij jure quod Reges exercent, illud com-  
modi in Ecclesiam totamque Rempubli-  
cam Christianam redundare, ut ecclesiasti-  
ca & civilis potestas amico & perpetuo fœ-  
dere invicem conjunctæ, mutuis auxiliis ad  
comprimendos improborum conatus, &  
juvanda bonorum studia, inter se conspi-  
rent. Id olim docuerat Iustinianus, quem-  
admodum

Vide Eadmerum  
lib. 3. p. 113. &  
Notas 10. Seldanus  
p. 163.  
Eadmerus. Hilio-  
ris Novorum l. 1.  
Vñtra ergo arque  
legi, quas patres  
sui & ipsi in  
Normannia habe-  
re solebant, in An-  
glia servare ve-  
leau.

Tom. II. Lib.  
Eccl. Gall. c. x.

admodum in hujus operis præfatione dixi, sed Pontifices quoque necessitatem hujus concordiæ conceptis verbis professi sunt. *Consensus Christi amantium Imperatorum & piorum Pontificum*, inquit Gregorius II. ad Leonem Isaurum, *est vis una, quando cum pace & caritate res administrantur*. Eodem seculo Orientis Patriarchæ in synodica epistola ad Tarasium missa, quæ inserta est Actis Septimæ Synodi, recitat Iustiniani sententiâ, suffragium illi quoque suum conferunt, in sacerdotio Imperij sanctificationem & instauracionem, in Imperio autem sacerdotij robur & firmamentum constituta esse profitentes. Sed præstat è Leonis Augusti Ecloga anno DCCCXXXVIII. apud Græcos edita hanc concordiæ necessitatem, breviter quidem sed eleganter expressam, addiscere, Tit. III. *Cum Republica ex partibus suis & membris proportione quadam ad hominem constituta sit, maxime ejus & in primis necessarie partes sunt Princeps & Patriarcha.* Quapropter & subditorum quies, & felicitas tam anime quam corporis, consistit in confessione & concordia Imperij cum summo Sacerdotio. *Tus πολιτείας οὐ μέρος τοῦ αἰθρίου συνιστάειν, τὸ μέντοι εἰσαγγελεῖται μέρη, βασιλεῖς δὲ & Πατριάρχες διὸ εἰ καὶ λύχνοι, εἰσάμενα τῷ καποδόν εἰπεῖν, εἰ διδασκαλία, βασιλεῖς δὲ, εἰ δεκαποτίους εἰπεῖν δύοφρονιν εἰς Συναφία.*

Non pigebit ad eandem concordiam commendantam aliqua transcribere è Damiano auctore Disputationis Advocati Regij & Defensoris Ecclesiæ Romanæ, quæ felicibus auspiciis habita est præsente Henrico IV. Rege Germaniæ anno LXII. ubi damnato Cadaloo pseudopontifice, Alexandri II. electio est confirmata: *Amodo igitur, dilectissimi, illinc regalis aule Consiliarii, hinc sedis apostolicae comministrari, utraque pars in hoc uno studio confiperimus laborantes, ut summum sacerdotium & Romanum (seu Gallicum) simul confederetur Imperium: quatenus humanum genus, quod per hos duos apices in utraque substantia regitur, nullis, quod absit, partibus, quod per Cadaloum nuper factum est, rescindatur; sicque mundi vertices in perpetua caritatis unione occurranti, ut inferiore membra per eorum discordiam non resiliant; & quatenus ab uno Mediatori Dei & hominum hæc duo, regnum scilicet & sacerdotium, divino sunt constata mysterio, ita sublimes iste due persone tanta sibi met unanimitate jungantur, ut Rex in Romano Pontifice, & Romanus Pontifex inveniatur in Rege; salvo scilicet pro suo privilegio Pape, quod nemo preter eum usurpare permittitur. Hanc confessionem necessariam docuit aliquot annis postea Grego-*

rius VII. qui duobus oculis ambarum protestatum consortium eleganter comparavit. Nec defuerunt Galli nostri huic officio promovenda concordia, & impedimentis amoliendis quæ ex mutua suspicione aliquando suborabantur. Hinc extant præclara Arnulf Lexoviensis Episcopi verba: *Dignitas ecclesiastica regiam provehit potius quam admittit dignitatem, & regalis dignitas ecclesiasticam conservare potius consuevit quam tollere libertatem. Etenim quasi quibusdam sibi invicem complexibus dignitas ecclesiastica & regalis occurunt; cum nec Reges salutem sine Ecclesia, nec Ecclesia pacem sine protectione regia consequatur. Bernardus quoque in eandem sententiam: Non veniat anima mea in consilium eorum qui dicunt vel Imperio pacem & libertatem Ecclesiarum, vel Ecclesiæ prosperitatem & exaltationem Imperij nocturam. Non enim utriusque institutor Deus in destructionem ea connexit, sed in edificationem. Non omitenda est adnotatio auctoris anonymi, qui scripsit anno M C C C V I. se à Gallo quodam summa dignitatis viro accepisse, concordiam regni cum Romana Ecclesia diligenter foveri apud Gallos, & ad illa officia filios à patribus erudiri hoc rythmico proverbio:*

*Mariage est de bon devis  
De l'Eglise & des Fleurs de lis.  
Quand l'un de l'autre partira,  
Chacun d'eux s'en sentirà.*

Arnulf Lexoviensis Episcopi  
ep. 52.

Bernardus ep.  
243.

E MS. Cod. Dia-  
logorum de Hier-  
archia subscritti  
l. 4. c. 11. *Quo-  
dam fratre egre-  
gius dilectus domus  
Francie senel  
multi post eum con-  
fessorum aperuit  
inter dictos Da-  
mines Francos  
effe unum secre-  
tum proverbium,  
quod patres do-  
cent filios vulga-  
ri Gallico, sic.*

### C A P V T X I I I .

#### Synopsis.

I. *Agitur de Chorepiscopis, ut sciatur status que-  
stionis propositus Leoni III. à Carolo M. & Ecclesia  
Gallicana. Chorepiscopis validas esse ordinationes à  
superioribus contendentes; Episcopis autem, esse vi-  
tiosas. Chorepiscopatus in Clero recentius, & Presby-  
terio prælati à Conciliis.*

II. *Chorepiscopi non obtinebant episcopatus api-  
cem, è Concilio Neocesariensi, Antiocheno, Regen-  
si. & è Leonis I. Pape epistolæ, quæ est genuina, &  
Synodo Hispanensi.*

III. *Huc sententia opponuntur prima verba ca-  
nonis Antiocheni. Ut solvatur difficultas, distingui-  
tur chorepiscopatus à Chorepiscopo. Chorepiscopatus  
est ministerium quod conferri potest Presbytero vel  
Episcopo, ut administret Ecclesiæ vicarias parœcia  
episcopalium. Sub Episcopo erant Presbyteri civitatis,  
qui sacramenta ergabant in civitate. Idem munus  
exercebant in pagis Presbyteri vicani.*

IV. *Prater Presbyteros. Episcopus habebat ali-  
quot ministros, Chorepiscopum, Archipresbyterum,  
& Archidiaconum. Chorepiscopus vices gerit Episco-  
pi in disponendis Ecclesiæ vicani. Concilium An-  
tiochenum tribuit administrationem Ecclesiæ  
Chorepiscopis. Origo hujus nominis. Vicarij Episco-  
porum dicti ratione munieris, non ratione nominis.*

N

Disputatio Advo-  
cati & Defen-  
sori Eccl. Rom. in  
Concilio Orléanensis.

Eclog. VII. in Praef.  
q. 1.